

Kultureqarnermut, Ilinniartitaanermut, Iisimatusarnermut Ilageeqarnermullu Naalakkersuisoq
Medlem af Naalakkersuisut for Kultur, Uddannelse, Forskning og Kirke

Inatsisartunut ilaasortaq
Aleqa Hammond



Siumut

§ 36 naapertorlugu klippekorteqartitsineq pillugu apeqqummut nr. 2010-45-mut akissut.

Inatsisartut suleriaasianni § 36, imm. 1 naapertorlugu 9. februar 2010-mi Naalakkersuisunut ima apeqquteqarputit:

Nunarput qimallugu ilinniartuutitta aningaasaqarnerani qaammatikkaartumik ator-neqartartoq aaqqissuussineq klippekort-imik taaneqartartoq pillugu qaqugu Naalakkersuisut eqaallisaaviginiarlugu pilersaaruteqarpat?

Akissut: Klippekorteqartitsineq Ilinniagaqarnersiutit pillugit Namminersornerullutik Oqartussat nalunaarutaanni nr. 8-mi, 27. marts 2008-meersumi aalajangersakkat malillugit aqunneqarpoq. Klippekorteqartitsineq 1. august 2005-imi atuutilerpoq.

Atuutilermalli allaffeqarfimmi, ilinniarfinni, Kalaallit Illuini ilinniartullu akornanni assigiinngitsunik misilittagaqartoqalerpoq. Misilittakkat paasinarsisippaat klippekorteqartitsineq tunngaviatigut ingerlalluartoq arlaatigulli siunertaq malillugu ingerlannigisoq, kiisalu pitsanngorsagassaartoq. Taamaattumik Kultureqarnermut, Ilinniartitaanermut, Iisimatusarnermut Ilageeqarnermullu Naalakkersuisuusimasoq Tommy Marø 15. april 2009-miilli ilinniagaqarnersiutit pillugit isumasioqatigiisitsivoq, tassani aamma klippekorteqartitsineq eqqartorneqarluni. Isumasioqatigiinnermi ilinniartut sinniisaasa klippekorteqartitsinerup eqaannerunissaa kissaatigaat, klippekorteqartitsinerup allangortinneqarnissaa kissaatigineqarluni klippigassat piumangisat ilinniarnermi kingusinnerusukkut klippimik pinissaq pisariaqartinneqalerpat tunniunneqarsinnaanngorlugit. Allatut oqaatigalugu allanguinerit ilinniartunut iluaqutaasasapput. Tamatumunnga atatillugu periutsip pitsaanerunissaa kissaatigineqarpoq. Tamatumunnga oqaatigineqassaaq Kultureqarnermut, Ilinniartitaanermut, Iisimatusarnermut Ilageeqarnermullu Naalakkersuisoqarfimmi ilinniartut pillugit aqutsinerup taarserneqarnissaa sulissutigineqarmat. Taarsiinerup klippinik piumanginnermi periutsip pisariinnerulernissaa nassatarissavaa.

Isumasioqatigiinnermi ilinniartut kattuffii Avalak, KIK kiisalu Iisimatusarfimmi ilinniartut peqataapput.

Dato 23.02.2010
Sagsnr. 2010-024961
Dok.nr. 319357
Postboks 1029
3900 Nuuk
Tlf: +299 345000
Fax: +299 322073
Email: kiiip@gh.gl

Tamatuma kingorna klippekorteqartitsineq pillugu ataatsimiittoqarsimavoq. 30. september 2009-mi Kalaallit Illuini ilinniartunut siunnersortit, kiisalu 4. december 2009-mi Ilinniagaqarnersiuteqartitsivimmi Kisaq ataatsimeeqatigineqarput. Nalunaarutip qulaani taaneqartup iluarsaanneqarnissaanut atatillugu ataatsimeeqattaarnerit naggaserlugit 25. januar 2010-mi ulloq naallugu ataatsimiinnermi klippekorteqartitsineq ilinniartut sinniisaat peqatigalugit eqqatoqqinneqarpoq.

Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfik taamaalilluni ilinniartut ilinniarfiillu qanimut suleqatigalugit nalunaarutip qulaani taaneqartup iluarsaanneqarnissaanut, tassunga ilanngullugu klippekorteqartitsinerup iluarsaanneqarnissaanut misilittakkanik kaammattuutinillu katersivoq.

Ilinniartut sapinngisamik pitsaasunik atugassaqartinneqarnissaat Naalakkersuisut kissaatigaat ilinniartullu atugaasa pitsanngorsarneqarnissaat sulissutigiuarniarlugu. Taamaattumik klippekorteqartitsinerup eqaannerulemissaa siunertaralugu Naalakkersuisut nalunaarummi qulaani taaneqartumi aalajangersakkat allanngortinnialersaarpaat.

Ikinngutinnersumik inuulluaqqusillunga

Mimi Karlsen